

R53


573

Gos. RA002439

Museum für deutsche Geschichte

Inv.-Nr.: D.52/2276

20



Erklärung

Der Ehrwürdigen/

Hoch: vnd Wolgebornen Herren/ Herren

Franken/ Freyherren zu Kriechingen vnd Pittingen/

Thumbdechantz vnd Capituls Hoher Stifte Strassburg/

Belangendt die/den zehenden Junij/ Stylo nouo, Anno

Neunzig zwen/ von Jr Ehrw: G: vnd Gnz

fürgenohmne Strassburgische

Election.



Gedruckt im Jahr/ 1592.



Ir Franz/Freyherr zu Kriechingen vnd Pittins
gen/ Thumbdechant/ vnd das Capitul hoher Stiffe
Straßburg/ Empieten allen vnd jeden/ Hohen vnd
Nidern Standis Personen/ denen diese Vnsere Anzeig
vnd Erklarung zulesen fürkompt/ Vnsere vnderthenigste
vnderthenige/ gütwillige dienst/ gütsten gruß vñ geneig-
ten willen/ Vnd fliegen denselben hiemit zu wissen.

Demnach nunmehr nit allein im Heiligen Römischen Reich/ Zu der
Nation sonder auch bey Ansländischen Völkern vnd Nationen offenbar/
Dass etlich vnruewige fridhessige Personen/ so durch ihren abfahl/ v. d. ge-
suchte beschwerliche/ auch im Heiligen Römischen Reich niemals verstarre-
ne Neuerungen den Hochlöblichen Erzfürst/ Eölln in jämertlich verderben
gerichtet/ diesen Vhralten Fürst/ Gräff/ vnd Herlichen Stiff/ Straßburg/
ebenmessiger gestalt vnd massen anzusechten/ sich gelüsten lassen.

Vnd weil sie daselbst iren willen nicht schaffen/ noch volbringen köndien/
auch im Heiligen Reich/ schier niergends kein auffenthaltung gewüst/ das
sie ir Refugium in die Statt Straßburg genommen/ vnd mit hilff der selben/
solche ihre Neuerungen bey diesem Stiff/ wider dessen Statuten geleiste
Jurament/ Alt herkommen/ Auch hienor selbst gethanes erklären vnd erzie-
ten/ durchringē/ nun ins Sybende Jar sich alles fleiß bearbeitet/ Auch durch
zusehung vñ Conueniens der Statt Straßburg die sache so weit gebracht/
Dass sie nicht allein alles das jenige/ was in der Statt Straßburg/ Vns so
wol ins gemein/ als einem jeden insonderheit zugehört/ abgetrungen/ die Höff
vnd Häuser bey Nacht vnd Nebel bestigen/ etliche mit geschwinden Practi-
cken vmb weniger rumors willen/ ingenommen/ Was darin gewesen/ sich In-
geheimlich alles verschwendt/ vereuffert/ vnd Ires gefallens damit vñgan-
gen/ Sondern auch vnser Dörffer/ vnd arme Vnderthanen auff dē landt/
mit gewalt zu etlichen mahlen oberfallen/ gefangen/ Vnsere Renten/ gültent/
vnd gefell vns abgenommen/ Auch bey lebzeiten des Hochwürdigsten Fürsten
vnd Herren/ Herren Johan Bischoffen zu Straßburg vnd Landgrauen zu
Elzas ic. vnserer Gnaden Fürsten vnd Herren/ Hochseliger gedechniß/ Ir
Fürst/ Gnaden Person vnd anbenolhenem Stiff/ selbst nachgetrachtet/ Vñ
wie sie dasselbig vnuersehens vberfallen/ vnd zu Ihrem gehorsamb bringen
möchten/ allerhandt Anschleg gehabt/ Ir Fürst/ Gnaden/ vnd des Stiffes
Lehenleuth wider Ir gegebene Neuerer vñ geleiste Lehenpflicht von Ir Fürst/
Gnaden/ ab/ vñnd Ihnen beyfellig zumachen vnderstanden. Welches alles
doch der Allmechtig Gott verhindert/ vnd solche vnerbare practicken durch
sonderbare schickung an tag komen lassen. Mit welchem sie aber nit ersettigt/
sonder als nach dem willē Gottes weilandt Hochermelter Vnsere Gnadiger
Fürst

R 53/573
55-16.7200



Fürst vnd Herr seliger/Todes verfahren/Sie gleichwol anfänglich durch
verschiedene schreiben/zu deren einem/sie den Ehrwürdigen/Durchleuchti-
gen vnd Hochgebornen Fürsten vnd Herren Joachim Carlé/Herkogen zu
Braunschweig vnd Lunenburg/Hoher Stiffte Straßburg Thumbherren/
Vnsern Gnädigen Fürsten vnd Herren/an Vns zu thun vermöcht/Das
ander/vnderm Nahmen Thumbdechantis vnd Capituls Hoher Stiffte
Straßburg an Vns abgangen/(Inmassen beygetruckte Copyen No. 1. 2.
ausweisen) Vns allerhandt erinnern vñ sich darin souil mercken lassen/ als
wann sie zum Frieden/Ruhw/vñ Einigkeit hefftig geneigt weren. Darauff
wir auch Hohermelte Ire Fürst: Gnaden: widerum/ Vermög des hienach-
gesetzten abtrucks No. 3. aller gepüer vñnd verhoffentlich also beantwortet/
das Ir Fürst: Gna: vnd sonst menniglich vnser fridfertiz gemüch darauff
gnusam spüren vnd abnehmen mögen.

Das ander aber derwegen vnbeantwortet gelassen/ weil wir von keinem
Thumbdechant vnd Capitul Hoher Stiffte/ als vns (die von der Höchsten
Geist: vnd Wellichen Obrigkeit/der Päpstlichen Heiligkeit vnd Römisch:
May: vnserm Allergnädigsten Herren / Auch andern Ehr: Fürsten vñnd
Stenden des Reichs dar für erkant/ gehalten/ vñ respectiert worden) gewist/
Vnd dar für gehalten/ Inmassen wir zu deren darin angerechten vertheimen
Election beschrieben/ Inmassen das es dann volgentis beschehen/ würde/
ausdrucklichen darin angemeldet/ das auff solchen fahl vnser Notdurfft
dagegen für zuwenden noch zeit gnug sein würde.

Inmittels sie sich aber durch befürderung der statt Straßburg (welche
als bald etlich Jendlin Knecht/vnderm schein/ als wann sie dieselbigen zuuer-
warung irer Statt vñnd anderer örter gebrauchen wolten/ werben lassen.)
mit Boles vnd ander Kriegs notdurfft in der still gefast gemacht/ strack vnd
vnuerschens ein neues Haupt dises Stifftes vermeintlich ernent/vñ auff-
geworffen/ auch gleich etlich tag hernacher on einige ankündung des Kriegs
bey Nächtlicher weil/ mit fliegenden Fahnen/klein vnd grossen geschüs/vnd
stailicher Kriegsmacht/ her auß auff's Landt gefallen/ des Stifftes angehörig
Schloß den Kochersperg belegert/ beschossen/ mit stürmen angelauffen/ das
selbig lechtlich/ weil nit vber fünfzeihen Soldaten darinnen gewesen/ (dann
man sich der gleichen feindlichen vberzugs wider des Heiligen Römischen
Reichs Constitutionis, vnd gemeinen Landtsfrieden mit nichten versehen)
erobert/ den Soldatē so das Schloß benolhen gewesen/ vber zugesagten vñ
bewilligten sichern abzug/ andern zum schrecken / jämertlichen hingerichtet
tet/Vnd ebenmessiger weiß die vbrigen Stiffte Stätt/ Häuser vñ Flecken/
da sie sich inen nit als bald gütslich ergeben/ feindlichen anzugreifen/ vnd die
Inwöhner vnd Vnderthanen an Leib/Ehr/ Haab vnd gut zu bestraffen ge-
trawen

eramen/ Inmassen die durch sie in Truck verfertigte vnd hieunden Sub No. 4. bengetruckte Patenteu solches mit mehrerm auß vns. n. vñ also ged. rechte Vnrühwige/ sampt der statt Straßburg/ einẽ öffentlichen Krieg wider vns vnd dieses Stifft angefangen/ darzu wir ihnen kein einziqe vrsach nit geben/ dessen wir Gott vnd vnser auffrichtig gewissen zu zeugen haben.

Dann souil vns belangt/ ob wol menniglichen bewußt/ vnd hieobẽ kürzlich anregung beschehen/ wie vnbillich gegen vns nun ins sibende Jar her in der Statt Straßburg verfahren/ auch vns demthumbsdechant auff leib vnd leben nachgesetzt worden/ das wir doch alles mit höchster gedult gelitten/ vñnd die ganze sachen/ zuuorderst Gott/ vñnd dann der Röm. Kay. May. vnserm Allergnedigsten Herren/ vñnd höchstem Wellichem Haupt vñnd Obrigkeit/ allerunderthentigst jederzeit heimgestelt/ Auch was Jr Kay. May. darinnen allergnedigst thun vñnd verordnen würden/ denselben Vnsers theils gehorsamist zuleben/ vñnd alle andere mittel/ dardurch wir der Vns begangneten höchsten Vnpillichkeit/ Truck/ Verfolgung/ vñnd dergleichen Trangsals mit Gottes hilff/ verhoffentlich vor der zeit herten mögen entladen werden/ vñmb erhaltung dieses Stiffts/ vñnd gemeinen Landes Fridt/ ruhv/ wolstand allerdinge besetzt zustellen/ Vns fürgenommen.

Also auch da wir nach absterben vor hochermeltes vnser gnedigen Fürsten vñnd Herren: e. leichlich ermessen könten/ daß mehrgedachte Authores, vñnd Anstiffter der Cöllnischen vñnd Straßburgischen Vnrühw nit still vñnd rühwzig pleiben/ sonder das Stifft Straßburg vñder ihrem gewalt zureissen/ die Catholische Religion, darauff es gestifftet vñnd gewidmet/ vñnd nun auff die vilhundert Jar dabey erhalten worden/ genzlich außzutilgen/ an derselben stat die Caluinische Sect einzuführen/ Vñ dardurch den Zugang zu machen/ andere Erg. vñnd Stiffter im Heiligen Reich gleichergestalt zureissen zu prophanieren vñ zuuerthören/ allermassen vñnd gestalt sie dessen im Erststifft Cölln den anfang gemacht/ Weil aber Ihnen die außführung vñnd behauptung daselbst nit gelingen mögen? daß sie dieselbige/ diß ortszuerlangen/ vñnderstehen würden.

Als haben wir Vnser Aidt vñnd Pflicht halben/ darmit wir diesem Stifft zugehan sind/ nit vñnderlassen könten/ auff mittel vñnd weg zugeedencken/ wie solchem hochschedlichem Vornemen möchte gesteuert vñnd begegnet/ auch der Stifft bey seinen Würden/ Altem herkommen/ Religion, Thun vñnd Wesen erhalten/ vñnd auff vnser Nachkommen widerumb trasmittiert werden.

Vñnd wiewol wir den Weg einer andern Ordenlichen Election alsbalde wol an die hand nehmen/ vñnd den verlassenen Stifft/ widerumb mit einem Haupt vñnd Herren versehen mögen. Darzu wir auch von Chur. vñnd Fürsten gnedigst erinnert vñnd vermanet worden/ Jedoch well wir bey Vns

erwo

erwozen / zu was gefährlicher w. itleuff. g. l. e. i. t. / vñ verderblicher vnruhw dieses
Stifts / dessen armen vnschuldigen Vnderthanen vnd Angehörigen / auch
des ganzen lands sachen gerathen möchte / da sich vnserer Widerigen gleich-
fals solcher Election anmassen / vnd also ein widerwertige Wahl fürgehen
vnd beschehen solt. Haben Wir die sachen an vor Allerhöchst. gedachte Kay:
May: zuuorderst allerunderthenigst lassen gelangen / vñ das dieselbige in die-
ser streittigen tragenden Kayserlichen Ampts halber mittel vnd weg vorne-
men wollen / damit des Stifts vñ gemeinen lands vndergang vñ verderben
verhütet / allerunderthenigst ersucht vnd gebetten / Darauff Jr Kay: May:
vns / vermög des Abdruck N. 5. Allergnedigst ermahnt / Auch bald darauff
vns dero öffentlich Kayserlich Patent N. 6. signiert zukommen lassen / Vnd
allergnedigst beuolhē / mit allem fleiß vnd ernst daran zusein / das des Stifts
Stätt Häuser vnd Flecken / bis zu Abordnung Jr Kay: May: Kayserliche
Commissarien in guter verwahrung gehalten werden.

In dem wir nun solcher Jr Kay: May: Allergnedigste ermanung vñ be-
uelch vnderthenigst gehorsamet / des Stifts Stätt / Häuser vñ Fleckē nach
notturfft besetzt / vnd des Stifts Vnderthanen zu gehorsamer volghistung
angeregten Jr May: beuelchs / ebenmessig gewisen / Auch in entlicher hoff-
nung gestandē / es soll zu antunfft Jr Kay: May: vertrauten Commissarien die-
ses Stifts langgewerte irrige vñ streittige sachen zum wenigsten in solche
richtigkeit gebracht werden / dz all ferner besorgende weitleuffigkeit / verderbē
des Stifts vnd lands verhütet. Da würd der Stift vñ Wir obuermelter
gestalt mit Heers krafft vnuersehens feindlichen vberfallen / vñ vbergewal-
tiget / vnangesehen vnserer Widerige vnd der statt Strassburg / von jekange-
regter vorwesenden Kayserlichen Commissions handlung gute wissenschaft
getragē / Auch jekgemelte statt Strassburg / von Allerhöchst gedachter Kay:
May: laut der Copien N. 7. den Vnrüewigen kein beyfal zuthun / sonder
sie zu ruh w. zuweisen / Allergnedigst ermant worden.

Sintemal dann der sachen verlauff an sich selbs zuerteilen geben / das all
hoffnung des fridens vmbsonst / die gegēheil auff Jr Kay: May: im wenig-
sten kein respect haben / sonder jr Vorhaben mit dem Schwert / spiessen vnd
stangen außzuführen / vnd zubehaupten entschlossen / vñ schon im werck sey-
en / da wir allein auff Gott / vnd die Röm: Kay: May: als das höchste Häupt
im Heillgen Reich / vñ aller Erz: vnd Stifter höchsten Patronen / vns ver-
lassen. Vnd aber in erwartung mehriangerechter Jrer Kay: May: Kayserli-
che verordnung der Stiffte von Vns / vermög Jhr Kay: May: beuelchs vor
solcher Kriegsmacht nit mögen erhalten werden. Sonder denselben in der
gegenheil gewalt hettē müessen gerathen lassen. Welches vns nit allein bey
Jr Kay: May: selbs / auch anderer fürnemmen Potentaten / Chur: Fürsten /

vnd Stenden/sonder auch bey künfftiger Posteritet / wie auch zuuorderst
gegen Gott/wegen Unserer dem Stiff: geleisteten Aidi vnd pflicht vnerant-
wortlich gefallen were.

Als sind wir nit allein für vns selbs trunghelich verursacht/ sondern auch
von andern darzu ernstlich erinnert worden den Ordentlichen weg der Ele-
ction vñ ansetzung eines andern Håupts vnd Bischoff dieses Stiffis / lenger
nit Inzustellen. sonder darzu vnuerzüglich/wie es die Rechten vñ Canones
in disen vorfellen zugeben vñ benehmen zuschreiten. Derwegen wir den zehentē
dieses Monats Junii/ Stylo nouo, die Wahl für vñ an die Hand genommen/
Vnd den Hochwürdigsten/Durchleuchtigen/vñ Hochgebornen Fürsten vñ
Herren/Herrē Carlen/der Heiligen Römischē Kirchen Cardinal/Bischoff
zu Metz/gebornē Herzogen zu Lothringen etc. als ein fridliebendē genachpartē
Fürsten/vnd dessen Vorfahren/Hochlöblicher gedechtnis/diesem Stiff zu
mehrmalen mit hilff vnd rettung gnedigst benzesprungen/zu Håupt vñ Bi-
schoffen dieses Stiffis (mitglied Jr Hochfürst: Gn: nun im sechste Jar gewe-
sen) einhelliglich ernent vnd erwölt. Welche Election Jr Hochf: Gn: auch
guedigst acceptiert / vnd darauß alsbaldt die würckliche Possession des
Stiffis alhie zu Elsas Zabern/in der gewonlichen Bischofflichen Residenz
apprehendiert, vnd sich der Verwaltung vnderzogen.

Ercleren Vns demnach hiemit öffentlich, wollen auch Gott den Allmech-
tigen/dem aller Menschen herzen off. n stehen/zum zeugen solcher Unser er-
klärung nemen/das wir angeregte Election dem Durchleuchtigen Hochge-
bornē Fürsten vnd Herren/Herren Johan Georgen/Marggraue zu Bran-
denburg/Herzogen zu Stettin/Pommern/Cassuben vñ Wenden etc. Unsern
Gnedigen Herren/Wie auch Jr Fürst: Gn: Hochlöbliche Churfürst: Haus
Brandenburg keines wegs zu Irus/oder verachtung fürgenomen. Sonder
wir erkenen Vns schuldig Jr Fürst: Gn: vnd all ander löbliche Chur: vnd
Fürstliche Häuser vñ Personen in billichen sachen aller gebüer nach zurespe-
ctieren/vnd demselbē mit bezeigung alles vnderthenigen dienstlichen willens
entgegen zugehen/darzu wir dann für Vnsere Personen jederzeit vnderthe-
nig geneigt gewesen/vnd noch seindt.

Somiel aber berriffe/das Jr Fürst: Gn: von mehrgedachten vnrühzigen
Anstiffereu der Sächsischen vñ Straßburgischen vnrüh zu einē Håupt vñ
Administratoreu dieses Stiffis vermeintlich Postuliert vnd auffgeworffen
worden/Jr Fürst: Gn: auch solche Postulation acceptiert haben sollen/Da
wollen Wir nit zweiffeln/waß Jr Fürst: Gn: dieses Stiffis herkommen/des-
sen Statuten/ordnung vñ gewonheiten/vñ wie in krafft der selben die Capi-
tular Personē Qualificiert vñ beschaffen sein sollen/nit verschwigen/sonder
dessen alles mit grunt der Wahrheit berichtet/darneben auch die Vernehmung
vnd

vnd Disposition der gemelne geschriebenen Recht in denen fällen ansehe/
vnd den Hochbeturten Religions Friden in achtung nemē/ sie werden auff
ein solche Postulation nit gehen noch frussen/die von wegē der Postulieren-
den Personē Inhabilitet vñ andern offenkaren Nullitet vñ mangel halber/
vndüchtig/vntreffig vñnd allerdingz nichtig ist/viel weniger Ir Fürstlich
Authoritet vñ macht dahin wenden vnd gebrauchen lassen/das darmit vñ
dardurch dieses Stiffts Vhralt löblich herkommen/statuten/ordnung/vnd ge-
wonheiten/die gemeine geschriebene Recht/der Hochbeturte Religions fri-
den/vnd alles zumahl/was bißher Rechte vnd Püllich vñ löblich gewesen/vñ-
gestürzt vnd allein mehrgedachter Vnrückwiger Personē newliche begirdē/
die sie im Erststift Sollt nit durchtreibē/ auch von den Fürnemsten Weltli-
chen Chur:vñ Fürstē/darzu kein beysfal erlangen mögē/diß ortz erfüllt werde.

Zum Andern erklären Wir Vns/bezeugen es auch mit Gott vnd Vn-
serm gewissen/Das wir all vnser Gemüet/sinn vñ gedanken/zur Erhaltung
dieses Stiffts vnd ganzen Lands Fridt/ruh vñ Wolstantz jederzeit gerich-
ter/Vnd darinnen der Röm: Kay:May: Vnsers Allergnädigsten Herren/
vertröste Verordnung vil lieber erwartet/vñ Vns derselben fertigen lassen.
Als das wir zur andern ordenliche Wahl/die sich zu jek schwebenden weih-
leuffigkeit ansehen lassen/zeitlicher geschritten/Sintemal wir aber obgehör-
ter massen mit Heers crafft vnuersehens vberzogen/vergewaltig/vñ Stifft/
dessen Erbherren Wir sind/verjagt/vertrieben/(Welches wir gleichwol für
Vnsere Personen nit so hochgeachtet/sondern mit gedult gern gelitten) vñ
der selb mit gewalt eingezogen werden/auch kein Fridt/kein Reich/kein Kay-
serlicher Beuelch mehr/statt findē wollen/das wir zu erhaltung des Stiffts/
das jenig mittel/so von Gott/vnd den geschriebenen Rechten verordnet/an
die hand zunehmen/vnd mehrgemelt Stifft widerumb mit einem Ordenliche
Haupt zuuersehen Rechtmessiglich verursacht worden/darin Wir sonst in
vnderlassung desselben bey der augenscheinlichen gefahr vñnd Vergewaltti-
gung ein ewigen verwiß auff vns geladen/Das wir Vnserer Pflicht vñnd
Aidt/darmit wir dem Stifft verwant sind/nit gnug gethan/sonder denselbē
haupt vnd hilflos gelassen hetten.

Das nun/leider/dieses jekt in disem Stifft vnd Land schwebendes kriegs
wesen darauff ernolet/dessen tragen wir kein schult/vnd müessen Vns alle
dieses stiffts vñ Land angehörige zeugniß geben/dz wir nit sonder vnser gegen-
theil ad arma erstlich gegriffen mit fliegenden fahnen/geschütz vnd anderem
Kriegs Apparat zu veld gezogen/des Stiffts Häuser mit beschossen/vñ stur-
men angegriffen/wie oben angezeigt/vñ also des kriegs ein anfang gemacht.

Wir erklären vns auch ferner/vnd erpieren Vns zum dritten/Das wir
vor vnserer ordenlichen Obrigkeit/vnd Vilhöchstgedachter Röm: Kay:May:
Vnserm

Unserm Allergnedigsten Herrē/oder wohlt Ir Kay: May: vns weisen/ob-
angerechter fürgenomner Election halb/das wir darzu rechtlichen befüege/
dieselbige auch in krafft der gemeinen geschriebnen Rechten/vnd ohn verleg
des Stiffes statuten vnd herbringen fürgangen vnd ins werck gericht wor-
den seye/zum vberfluß/dañ es sonst bey allen Verstandigen vñ fridliebenden
keinen streit noch zweiffel) außführen. Vnd dagegen den vnrüewigen vn-
befüege vñ vnrechtmessigs vornehmē/in auffwerffung eins andern Hāupts
dieses Stiffes/noch ferner/wo vonnöten/ an tag setzen wollen. Sintemal
sonst/dasselbig an sich selbs so klar vnd offenbar/dañ sich alle Ehrliebende ab-
der vermessenheit solcher Leuth/die sich dergleichen ding wider G D T wider
Recht/wider die gemeine aller Erz: vñ Stiffter statuta/ordnungen/ obser-
uationes breuch vnd gewonheiten zuundernehmen kein scheuwens tragen/
mit vnwillich zum höchsten verwundern.

Demnach so gelangt an alle vnd jede/was Würden/stands oder Wesens
die feie/Unser nach jedes gepñer/ Vnderthenigst/vndthenig/dienst:freunde
vnd fleissig pitt/Sie wollen offtgedachten vnserm vnrüewigē Gegentheil in
irem vnwillichē vnd vnrechtmessigem Vornehmen ferners kein beyfat erzei-
gen/noch sich gegen Vns zu widerrechtlichem gewaltsamer beschwerung vñ
verfolgung aufföringē vnd bewegen lassen/Sonder mit all gemeinen zuthun
die sachen dahin befürdern helffen. dz die jenigen/so zuuor das Erststift Cölln
in jämertliches Blutbad gesetzt/vñ iez diser örter gleichfalls den anfang dar-
zu gemacht/dermahl: n eins gedembt/vnd also/so wol diser Stiff: vñ Wir/
als die aenachparte/vñ jeder menniglich bey guter ruh vnd fridlichem wesen
pleiben vnd verharren mögen/Wie wir dann Vnsers Theils von G D T
dem Allmächtigen nichts höhers dan eben dasselbig wünschen noch begeren.
Wollen Vns auch noch fürhin jederzeit also geneigt/begirig vñ willig dar-
in erfinden lassen/Das wir mit warheits grundt eins andern nimmermehr
sollen beschuldiget werden mögen.

Vnd haben solches zu vnser erklerung vnd gründlichen bericht der sache
offentlich in Druck verfertigen zulassen kein vmbgang haben könden/Noch-
maln ein jedwedern/dem solches fürkompt/seiner gepñer nach ersuchent vñ
pittend/die sachen mit sauberen reinen gedanken ohn alle zuneigung/ Par-
teiligkeit/gunst/vnd dergleichen affection zuerwegen/Vnd alsdann der
gerechtigkeits beyzustehen/dessen wir Vns dann gegen menniglich ver-
sehen/Vnd solches hinwider/auff zutragende gelegenheit/Vn-
derthenigst/Vnderthenig/dienst: vnd freundlich/nach
jedes gepñer/zuerdienen: vnd zubeschulden/
Vns jederzeit beflissen
wollen.

Volgen

Folgen vorangeregte beylagen.

N V M E R O I.

Joachim Carl von Gottes gnaden/ Herkog zu Braun-
schweig vnd Lunenburg ꝛc. Hoher Stifft Straßburg/
Thumbprobst.



Nsere günstigen gruß vnd geneigten willen zu-
vor/ Ehrwürdiger Wolgeborener lieber besunder/ Den
vnersehenen leidigen fall vnd abscheidt auß diesem zer-
genglichem Zamerthal Weylandt des Hochwürdigen
Fürsten/ Herrn Johanssen Bischoffen zu Straßburg/
vnd Landtgrauen zu Elsas ꝛc. Hochseliger gedächtnuß/
haben wir diser tagen auß Christlichem mitleiden vn-
gern vernommen/ Dieweil aber dise dinge nach vnwandelbarem rath des
Allerhöchsten geschehen vnd fürgehen/ auch nit wider zubringen sein/ müssen
wir solche seiner Allmacht beuehlen/ vnd allein von herzen wünschen/ vnd
bitten/ daß dieselb J. L. vnd allen Christglaubigen am grossen tag des Herren
ein fröliche vfferstehung verleyhen wölle.

Wann dan vnser ersmessens solche Bacterende Stelle mit der zeit durch
Ordenliche vnd einhellige Wahl widerumb ersetzt sein muß/ vnd aber vns
der nun etlich Jahr hero gewerthen hochschädlichen trennung vnd misuer-
standt eines Hoch: vnd Ehrwürdigen ThumbCapituls erinnert/ Daher
wie zubesorgen/ diesem Stifft vnd ganken Landt/ grosse weiteleufftigkeit vnd
verderben der Armen vnschuldigen Vnderthanen zuwachsen möchte/ Wo-
fern nit solche durch freundliche billiche mittel souil immer müglich vffge-
hept vnd beygelegt/ oder zum wenigsten die Affecten dermassen temperiert
werden/ daß in ersetzung des abgangenen Häupts dieselben dem gemeinen
fridlichen wesen vnd bono publico nit fürzogen werden.

Wiewol wir nun bis anhero vns eines Hoch: vñ Ehrwürdigen Thumb-
Capituls geschafft vnd handlungen auß mangel der in Statutis bestimpten
Jahr vnser Alters nit annehmen können/ aber nun mehr dieselben auß
Göttlicher verheißnuß vollkommenlich erreicht haben/ So erkennen wir
vns pflichten halben schuldig/ das jenig befürderē zuhelffen/ was zu vorkum-
mung des endlichen vndergangs vnd verderben dieses löblichen Vhralten
Stiffts/ vnd widerpflanzung gueten fridlichen vertramlichen wesens im-
mer dienen vnd fürstendig sein mag.

Derhalben an euch vnser günstig vil freundtlichs gesinnen/ Ir wollet neben andern alhier residierenden Mit Capitularen diß Werck mit guetherklichem geerewem/ fridlichem Enffer/ also Pondiern vnd erwegen helffen/ das zuuorderst dem lieben Gott die Ehr gegebē/ das von Alters her löblich hoch- erüemlich vererawlich Brüderlich wesen/ vnder den Herren Capitularen Hoher Stifft/ widerumb ergänket/ vnd in vortigen stande gestelt/ Auch die armen Vnderthanen vnd die ganze Nachbarschafft mit fridlichem wesen vnd vorbarung allem vnheil vnd vnwiderbringlichem schadē bedacht werden möge. Welches vnser geringfügigen bedenckens zu disem mahl besser nit würde geschehen mögen/ Als wan in loco Consueto & Ordinario zu einhelliger Wahl gegriffen/ vnd disem Hochloblichen Vhralten Stifft ein solch Haupt fürgesetzt würd/ das demselben/ wie auch einem Hoch: vnd Ehrwürdigen Thumbcapitul vnd dem ganzen Lande ein Ornament vnd zier sein/ vnd Pater Patriæ genent werden kan/ Inmassen dann wir alle solches zuthun vnd mit embsigem fleiß dahin zuerachten vor Gott vnd der Welt schuldig/ Auch vns vnser Amdt vnd Pflichte dahin weisen vnd vermanen. Ob nun wol wir der genglichen zuuersicht sein/ Ir werdet mit vns in dem allen einig sein/ Jedoch gesinnen wir ben Zeigern diß/ wa möglich vns Ewer rachsam wolmeinend bedencken zuöffnen/ Vnd seindt euch mit günstigem willen wol gewogen. Datum Straßburg den 6. May. Anno .c. 1592.

Joachim Carl Herzog zu Brauns-
schweig vnd Lunenburg etc. Hoher
Stifft Straßburg
Thumbprobst.

Dem Ehrwürdigen Volgeborenen vnserm
lieben Besondern Herren Eberhardt
Grauen zu Manderscheide Blanckens-
heim etc. Hoher Stifft Straßburg
ThumbEustern etc.

Quantiert vnd mit fleiß Ansculiert ist obgeschrib-
ne Copen gegen irem Original/ so an Schrift vnd
auffgetrucktem Insigel noch ganz vnuerfert/ vnd dem-
selben seines Inhalts von wort zu wort gleich lautend/
Bezeuge Ich Johan Fromer/ Kayf. Notarius zu Elß-
zabern/ mit dieser meiner eigen Handschrift.

NVME

N V M E R O II.

Thumdechant vnd das Capitul Hoher Stifft Straßburg.



Unsere G: vnd freundlichen gruß zuvor/
Ehrwürdiger / Wolgeborner lieber besondere / Auch
freundlicher lieber Vetter vnd Miteapitular.

Diemeil auß sonderer schickung des Allmechtigen/
durch den vnuersehenen schnellen Tödlicher abgang/
Weilandt des Hochwürdigen Fürsten / Herren Jo-
hann Bischoffen zu Straßburg / dessen Seelen der Allmächtig gnedig sein
wölle / es nunmehr darzu kommen / Daß wir bey den Pflichten / damit wir
dem Stifft vñ gemeinem wesen zugethan / künfftig zu Ordentlicher Wahl
eines andern Haupts / vermög des Stiffts Statuten vñ Vnordenlichen
Herkommens / werden schreiten sollen vnd müessen.

Ob dann mit etlich wenig andern Jr vñnd E. I. sich gleichwol nun
ein zimliche zeit von vns alhie vnnötiger weiß abge sondert / vñnd in solchem
des verstorbenen Bischoffs vñnd Herren seeligen einbildungen / beerräu-
ungen vñnd dergleichen fürgebungen vnser erachtens zuwil gehör / raum
vnd statt gegeben / Dahero dem Stifft / dessen angehörigen / wie auch disem
gansen bezirck nit geringe zerrüttung / schaden vnd nachtheil verursacht wor-
ten / Wie auch auß lengerer beharung solcher vnnötigen absönderung vñ
drennung anders nichts dann endlicher vndergang vnd verderben des gan-
zen gemeinen wesens vnd wolstandts zugewarten.

So wöllen wir doch hoffen / Jr vnd E. Lieb. werden sich nun meher auß
so lan z gehabter Täglichen erfahrung eines besseren erinnern. Vñ da gleich
zwischen dem verstorbenen Herren seeligen Euch vnd E. Lieb. zu beharung
Ires gefassten vnfreundlichen Intents allerhandt sonderbare Verpflich-
tungen oder zusagungen möchten furgangen sein / Daß doch dieselbigen
nicht allein Vnsere / vnd des Stiffts löblichen vnd hergebrachten Statu-
ten vnd Ordnungen zuwider / vnd derwegen an Innen selbs vnkrefftig
vnd nichtig / Sonder auch nunmehr durch den zeitlichen Todt allerdingt

Castiere vnnnd auffgehoben/ oder erloschen/ Dagegen Ir vnnnd E. L. dem
Stiffe/ dessen geschafften vnnnd gemeinem wesen In einmahl alhie zu zeit
derselben auffnehmung vnnnd erlangten Officien bisshero vnledige verplie-
ben/ vnnnd noch vnerledige seindt.

Damit dann fernere/ beuorab bey albereith enstandenem schnellem
fall/beuorstedendem vnheil/auch grösserer zerrüttung vnnnd gemeinen Landes
verderben/sonit an vns/abgewehrte/dagegen gute vererwliche zusamense-
zung vnnnd einigkeit wider gepflantz/ alles eingerissen misstrawen gemiltete
vnnnd auffgehoben werde.

Als wollen wir Euch vnnnd E. L. gemelter dero dem Stiffe vnnnd gemein-
nem wesen geleisten pflichten hiemit notturtffig erinnere vnnnd dabey er-
maner haben/ sich auff künfftige zeit/ so zu Ordentlichem Wahl eines an-
dern Haupts/Euch vnnnd E. L. zeitlich zu wissen gemacht werden soll/ nicht
abzuföndern/ sonderm im selben schuldige gepür vnnnd gehorsamb zuleisten/
Inmittelst aber nicht allein für Euch vnnnd E. L. selbst/ niches vnderste-
hen/sonder auch einigen fürsuh/rath oder hilff zu einicherley sachen zu-
schun/ noch in etwas zubewilligen/ daß dissem Vhralten Herlichen Stiffe
an dessen vnuordenlichen herbrachten Rechten/ gerechtigkeiten/ Freyhei-
ten/vnnnd Immuniteten/ oder auch desselben löblichen Vhralten Statutis,
Ordnungen/ oder Ewern vnnnd E. L. darauff geleisten Juramenten/ in et-
was abbrüchig/nachtheilig/zuwider oder vngemess sein möchte/ noch etwas
zuschun oder zuuerursachen/dessen man sich künfftig ab Euch vnnnd E. L. zu-
befflagen oder zuerholen befüegte vrsach haben möchte.

Solches ist zuuorderst zu erhaltung vnnnd vortpflanzung der von Vnse-
ren/Ewern/vnnnd Ew. L. Vorfahren auff Vns/Euch/vnnnd Ew. L. von vielen
vnuordenlichen Jahren herbrachten des Herlichen Stiffes Dignitet/
Wolstandes/vnnnd Wesen/höchste vnuermidliche notturtffig/ gereicht Euch
vnnnd E. L. vnnnd den Irigen bey aller Posteritet zu sonderm ruhme/sürnembllich
zue abwending vnnnd fürkommung/mehrer vor augen schwebenden vnheils.
Indem vnnnd allem andern/ was zu solchem fürstendig vnnnd rathsamb erach-
tet werden mag/ Wir vns auch aller billichen gepür zuerzeigen/ Vnnnd an
Vns niches erwinden zulassen vrbüdig seindt/ Von dem Almechtigen da-
mit gnediges gedeyen zu allem friden vnnnd wolstande von herzen wünschende
vnnnd pittende. Geben Straßburg in Vnserer gewonlichen Capituls Stu-
ben den 10. May. Anno 26. 92.

Thumb

Thumbdechant vnd das Capitul
Hoher Stifft Strassburg.

Dem Ehrwürdigen Wolgeborenen/Unsern lieben
besondern/Auch freundlichen lieben Vettern vnd
mit Capitularen/ Herren Eberhardten Grauen zu
Manderscheid vnd Blanckenheim/ Herren zu
Junckenroth/ Hoher Stifft Strassburg
Thumbcustorn.

Collationiert vnd mit fleiß Auscultiert ist obgeschriebe-
ne Copen gegen Item Original/ so an Schrifft vnd
auffgetrucktem Inſigel noch ganz vnuerfere/ vnd dem-
selben seines Inhaltes von wort zu wort gleichlautendes
Bezeuge Ich Johann Cromer offenbarer Kay. Nota-
rius zu Elſaß Zabern mit dieser meiner eigen Hande-
ſchrifft.

W 17

NVME.

NUMERO III.

Herwürdiger/Durchleuchtiger vnd Hochgebornes Fürst/ E. F. S. seyen vnser Vnderthanig bereitwillige dienst/jederzeit iunior / Gnediger Herz.

Das E. F. S. den vnversehnen leidigen fahl/vnd Abscheidt auß diesem Zamerthal/ Weilant des Hochwürdiggen Fürsten vnd Herren/Herren Johansen/ Bischoff zu Strassburg vnd Landgrauen zu Elsas zc. vnfers E. F. vnd Herren/Hochseliger gedecheniß/nicht allein auß Christlichem mitleiden vngern vernohmen/sonder auch das daher/vnd von wegen dero erlich Jar her gewerten hochschedlichen trennung vnd misuerstant/diesem Stiff vnd gankem Landt/grosse weitenffigkeit vnd verderben/der armen vnschuldigen Vnderthanen zu wachsen möchte/gnedige fürsorg tragen.

Vnd nunmehr/weil sie die bestimbee Jar Ihres Alters durch Göttliche verhencniff erreicht/sich des Thumb Capituls geschafft vnd handlungen zu beladen/vnd das jenig befürdern zu helffen/was zu vorkohnung des endlichen Vndergangs vnd verderbung dieses löblichen Vhralten Stiffes/vnd widerpflanzung guten fridlichen vertrawlichen wesens/jimmer dienen/vnd fürstendig sein mag/gnedig seyen/Haben auß E. F. S. vnderständlichen/doch gleichlautenden an vns gethanen schreiben/wir der leng nach verstanden. Vnd thun gegen E. F. S. so wol des tragenden Christlichen mitleidens/ als auch dero gnedigen wolmeinenden Anerbietens/Vns für vnserer Personen/dienstlich vnd Vnderthänig bedancken/der getrösten hoffnung/Sie werden in die Füßstapffen Ihrer Vorfordern/des Hochberühmbten Fürstlichen Hauses Braunschweig/so auß diesem Stiff gewesen/tretten/Vñ denselben/bey dem herkommen/thun vnd wesen/darbey ermelter Stiff: dann durch Gottes gnad vnd segen mercklichen zu vnd auffgenommen/mit vnd neben Vns andern erhalten/vnd retten zu helffen/genedig gesimmet sein/welches auch E. F. S. bey allen fridliebenden Hohen vnd Nidern stands Personen/auch künfftiger Posteritet/mit weniger als hochermelten dero Vorfordern/ganz rüemlich sein wirdt.

Souil dan die erfesung/nunmehr vacierenden Bischofflichen Stell anlangt/vnd E. F. S. was bey solchem werck wir fürnehmlich Ponderieren vñ erwegen sollen/auch derselben gnedig vnd gutbedüncken desfalls seye/Vns gnedig erinnern.

Da könden E. F. S. wir vnderthenig nit verhalten das/wie wir für vnserer Personen bey obangeregter nun erlich Jar hero gewerten misuerständten/Vnserer Affectus zweiffels on durch Gottes gnad/dermassen temperiert/vnd

und eingezogen/das wie hoch vilfelig man vns beleidigt/wir dannoch zu erhaltung des geliebten fridens vñ verschonung der armen vnschuldigen Vnderthanen dieses Lands/alles mit gedult aufgenommen/ vnd dem lieben Gott die sachen heimgestellt/das wir auch noch zur zeit in dem vnser gemüt mit geender/sonder in diesem werck sonderlich in erfekung des abgangnen hauptes dieses Stiffis hindan gesetzt/ Aller priuat affecten/ fürnemlich dohin zuschē/ vns beflissen/ auch schuldig erkennen/ dieser Vhralte löbliche Stiffi/ widerumb mit einem solchen Haupt vnd Vorsteher versehen/der sich zuuorderst die ehren Gottes/vñ preisung seins Göttlichen namens/so dan des Stiffis wolherbrachte löbliche alte gebruch/ Ordnungen/ statuten/ vñnd gerechtigkeiten/ entlichen der armen vnschuldigen Stiffis Vnderthanen vnd Angehörigen/ ewige vnd zeitliche wolfar: wie auch so wol des Stiffis/ als gemeinen Lands ruhe vnd friden zuerhalten vnd zube furdern mit rechtem Christlichem eyffer vnd ernst angelegen sein lasse.

Das nun zu ansetzung eines solchen Hauptes E. F. S. gutbeduncken nach in loco consueto & ordinario (dardurch wir den Bruderhoff zu Straßburg verstehen) zur einhelliger wahl gegriffen werden solt/ da wolten wir für vnser Personē nichts lieberes wünschē/ als das derselbige in alre stand vñ wesen were gelassen worden/ damit wir/ neben andern vnsern mit Prelaten vñ Capitularē alle notwendige Capituls geschafft/ wie von alters rucwäglichen darinnen biß dahero hetten verrichten könden/ vnd noch verrichten möchten.

Wann aber der selbig einem Hoch: Ehrwürdigen Thumbcapitul/ wie auch Vns vnd Andern vnsern mit Prelaten/ vnd Capitularen/ ihre Höff/ Heuser/ Renten vnd gefell/ vnd anders was sie in der Statt Straßburg gehabt/ nit allein abgenommen/ sonder auch mit dem Thumbdechant/ mit alerhand beschwerlichen betrawungen nachgesetzt worden.

Als haben E. F. S. dero hohen beywonenden verstandi nach gnedig zuermessen/ das an dasselbig ort/ noch zu zeit Vns zu begeben/ auch mit Andern/ so sich wider des Stiffis alte herkommen/ vnd des Heiligen Reichs hochbedurte Religionfridē klarē außdrucklichen inhalt/ noch für Capitularen deselbst halten zur angedeuteten Election zuschreiten/vñ dardurch den eingang zu schwchung jersbemelte Religionfridens zumachen ganz bedenclich beschwerlich/ vnd bey der Rō. Kay. May. Auch allen Catholischen Chur: Fürsten vnd Ständen/ ohnmeran wortlich falle.

Pitten derwegen E. F. S. für vnser Personē vnderthenig/ die wollen Vns auß jekangeregten vrsachen/ des fals Vngnedig nicht verdencen/ da doch sonstē/ wofehr alle bißhero gesuchte beschwerliche verneuerungē vermiten/ vnd auff des Stiffis Stammen/ löbliche breuch/ Ordnung vnd gewonheiten durch auß gesehen/ auch künfftig darbey bestendiglich verbliben würd/

Wird/wir an allem dem jenigem/was zu Friden/rhum vñ eintigkeit/auch widerbringung des vorigen löblichen hochrümlichen vnd verträwlichen Capteuls wesen immer fürstendig sein möchte/ an Uns nichts wollen ermagelen lassen.

Vnd haben E. F. G. solches zubegertem vnserm gutbeduncken freyherriger wolmeinung nit wöllen verhalten/ Der selben wir von dem Allmechtigen alle glückliche Wolfart wünschen/ vnd zu fürfallenden gelegenheiten Vnderthenige dienst zuerzeigen bereit seindt. Datum Zabern den 27. May. Anno 16. 92.

Die

Herzog Joachim Carlen zu Braunschweig 16. Thumb
Herren.

Collationiere vnd mit fleiß auscultiere ist obgeschribne Copie gegen Item Original Concept, vnd demselben seines Inhaltes von wort zu wort gleichlautend/ Zeugene Ich Johann Cromer offener Kayf. Notarius zu Elsas Zabern/ mit dieser meiner eig. Handgeschrifft.

NVME

NUMERO III.



Nr Johannis Georg/ von Gottes/ gnaden/ Pos-
 tulirter Administrator der Statt Straßburg/ Landt-
 graue zu Elßaß/ Marggrauē zu Brandenburg/ in Preuß-
 sen/ zu Steirn/ Pommern/ der Cassuben vnd Wenden/
 Auch in Schlesien/ zu Crossen etc. Herzog etc. Burg-
 graff zu Nürnberg/ vnd Fürst zu Rügen etc. Enpfe-
 ten hiemit Allen vnd jeden Unserer Hohen Suffis
 Straßburg Rāthen/ Amptleuten/ Vasallen/ Schultheissen/ Bürger-
 meistern/ Berichtleuten/ Auch allen vnd jeden andern Unserer Vnder-
 thanen/ Unserer gnedigen Gruß/ vnd süegen euch hiemit zu wissen/ Nach
 dem weylandi der Hochwürdig Fürst/ Herz Johann, nechstgewesener Bi-
 schoff zu Straßburg/ Landtgrauē zu Elßaß etc. mit Tode verfahren/ vnd
 darauff die Würdige/ Hoch: Wolgeborne vnd Edle/ HERRN Thumb-
 dehandt vnd Capitul berürter unser Stiff/ in gewonlichen Ohrt vnd
 Capitul alhie die Election oder Postulation eines Newē Hauptis fürgenō-
 men/ Darin durch Gottes schiekung Vns zu einē Administratore/ an des
 verstorbenen Bischoffen statt/ postulirt/ vnd dasselbig auff den zwenzigsten
 diß Monats publicirt habē/ Das wir solche Postulation/ angenommen/
 Ermanen vnd gebieten demnach Euch/ bey Peen Unserer Bngnade/
 vñ ernstlicher straffen/ Das jr Euch einem andern Herren/ als Vns/ vnder
 was schein das auch beschehe/ benpflichtig vnd gewertiger weiset/ auch Un-
 sers Stiffis gefell vnd einkommen/ niemandt andern/ als Vns vnd
 Unserer Beuelchshabern volgen lasset/ viel weniger Euch vngheorsam/ wi-
 derig vnd feindlich wider Vns vnd die Unser zuerweisen/ euch bereden
 lasset. Dann da solches nicht beschehen/ vnd von jemandten darwider ge-
 handelt werden solte/ würden Wir/ mit G D E E S vnd der vnsrigen
 hülff/ vnser erlangte gerechtigkeit handhaben/ vnd die vngheorsamen
 oder widersetzige/ sampt ihren Verstifftern vnd Schütffen/ an Leib/ Haab/
 Ehr/ vnd Gut/ je nach gelegenheit ernstiglich Bestrafen: Dagegen aber
 wollen Wir alle jede/ Vnsere Gehorsame vnd Gerreue Vnderthanen/
 angehörige vnd Vasallen/ ben ihren Freyheiten/ vnd Rechten vnd herkom-
 men/ wider vnbilligem gewalt/ besten Unserm vermögen nach/ schützen vnd
 beschirmen.

Welches wir hiemit/ auff das sich niemandes der vnwissenheit zubehelf-
 fen/ vnder Unserem Insigel/ Vnd mit vnseren handen vnderschrieben/

E

Pu-

Publicirn lassen wollen/ So geschehen zu Strassburg/ in Unserm Hoff/
auff Montag den Zwen vnd zwentzigsten Monats tags May/ Anno
Christi 16. Junffzehenhundert Neunzig vnd zwey.

GMattoniere vnd mit fleiß anseultere ist obgeschribne
Copie gegen Item Original/ so an Truck in Folio
noch gang vnuerfert/ vnd demselben seines Inhaltes von
wort zu wort gleichlaurend/ Bezeuge Ich Johann Er-
mer Kayf. Notarius zu Elsass Zabern/ mit dieser mei-
ner aigen Handtschrifft.



NVME

Rudolff der Ander/ von Gottes gnaden/
Erwölter Römischer Kayser/ zu allen zeiten
mehrer des Reichs/ ꝛc.

N V M E R O V.



Qsamen liebe Undechtige/ Auß
Ewerem schreiben vom Andern diß/
haben wir mit sonderer bekümmernus
Unsers Kayserlichen gemüths/ den vñ-
uersehenen Todtsfall Ewerts Bischoffs
seligen vernommen/ Sincemahl Wir an
demselben einen getreuen gehorsamen/
vñnd friedfertigen Fürsten/ verlohren/
der nicht allein diesem Stiffte/ sonder auch
dem gemeinen wesen vñnd wahren Catho-
lischen Religion/ da Ihme der Allmechtig
das Leben lenger gefristet/ in viel weeg/ hette nützlich sein mögen. Ruhn es
aber der Allmechtig mit Ihme also geschaffet/ müß man es zwar seinem
Göttlichen willen heim geben.

Diemeil aber dieser löblich Stiffte durch solchen vnzeitigen abgang/ der
vñruhigen halb/ vber albereit aufgestandenen vielfaltigen vñrraht vñnd
berrangnis/ in höchte gefahr gerathen möchte/ zu welcher abwendung wir
vñgern Ichtes an Uns ermangeln lassen wolten/ Wir auch darzu dißmals
kein ander dienliche mittel sehen / als eben die so durch Euch gehorsamlich
angedeutet werden/ Als seindt Wir gnediglich erprietig/ vñnd allbereit im
werck/ Uns vñmb Ansehenliche taugliche Commissarien zubewerben vñnd
denselben die einnehmung vñnd huldung auch bewahrung des Stifftes in Un-
serm Nahmen biß zu einer Neuen Ordentlichen Wahl zubewelben/ Sie zwö-
schen euch gnedigs ernst dahin ermanent/ Ir wollet nichts destominder mit
mit allem fleiß vñnd ernst daran sein/ Daß des Bissumbs Stätt/ Schlöffer/
vñnd Flecken/ in guter verwahrung gehalten/ vñnd ohne Unser wissen vñnd ge-
haiß/ niemand/ wer er auch sen/ geöffnet vñnd abgetreten werden / Dañ für-
ters auch Euch zu ankunfft Unser Commissarien gegen inñ dermassen er-
E ij zeigen

selgen/wie es des Stiffis notturfft vnd Wolffart erfordern wil. di/Wolken
wir Euch auff berürt Ewer laidige anzag vnd zeitung in Antwort gne-
dizlich nit pergen. die Bus zu gepet. nem schus vnd schirmen sampt vnd
sonder allzeit wol beuohlen seyn. Geben auff vnserm Königlichem Schloß zu
Prag den Achten May/ Anno 20. Im Zwen vnd Neunzigsten/ Vnserer
Reiche des Römischen im Sibenzehnten/des Hungarischen im Zwenzig-
sten/vnd des Böhemischen auch im Sibenzehnten.

Rudolff.

J. Kurz d. S.

Ad mandatum Sacræ Cæs.
Maiest. proprium.

A. Erstenberger ff.

DEn Ersamen vnsern lieben Andächtigen Franzen
Freyherrn von Kriechingen Thumbdechant vnd
Capitul der Hohen Stiffte Straßburg.

Collationiert vnd mit fleiß Anseuliere ist obgeschribne
Copen gegen Irem Original/ so an Schrifte/ vnd zu
ruck auffgetrucktem Kayf. In sigel/ noch ganz vnuerfere/
vnd demselben von wort zu wort gleichlautend/ Bezeuge
Ich Johann Erömer offenbarer Kayf. Notarius zu El-
saff Zabern mit diser meiner eigenen Handgeschrifte.

NVME

N V M E R O VI.



Wir Rudolff der Ander/von Gottes gna-
den/Erwölter Römischer Kayser/ zu allen zeiten
Wehrer des Reichs/ In Germaniē/ zu Hungern/ Böh-
haim/ Dalmatien Croatien/ vnd Schlanonien/ zc. Kö-
nig/ Erzherkog zu Oesterreich/ Herkog Burgundt/
Steyr/ Kärndten/ Crain/ vnd Württemberg/ Graue
zu Tyrol zc. Ersamen vnsern lieben An-
dächtigen Franken Freyherrn zu Kriechingen/ vnd Pittingen/ Thumbde-
chant/ Vnd N. dem Ordenlichen Capittel der Hohen Stifft Straßburg/
samt vnd sonders/ Vnser gnad/ vnd alles guets/ Ersame liebe Andächtige/
Nachdem der Allmechtig vntlangst/ nach seinem Göttlichen vntwandelba-
ren willen/ weylandt den Ehrwürdigen/ Johān Bischoffen zu Straßburg/
seeligen/ von diesem zeitlichen leben abgefördert. Dardurch diser vnser vnd
des Reichs Fürstlicher Stifft/ seines Ordenlichen Hauptes beraubt wor-
den. Damit dann derselbig bey jegigen sorglichen vnd gefährlichen zeiten/
hiezwischen ein Ander Ordenlich Haupt vnd Bischoff erwöhlt vnd confir-
miert/ Auch von Vns mit der Weltlichkeit vnd Regalien desselben/ wie her-
kommen belehnet wurd/ nit etwo schaden leide/ haben Wir gleichwol tra-
genden Kayserlichen Ampts halben/ zu verhütung dessen/ nit allein ange-
regten Stifft in vnsern Kayserlichen schutz vnd Protection empfangen/
Sonder auch an Vnser statt dem Durchleuchtigen/ Hochgebornen/ Ferdi-
nanden Erzherkogē zu Oesterreich/ Herkogē zu Burgundt/ Steyr/ Kärnd-
ten/ Crain/ vnd Württemberg zc. Landtgrauen in Elßaß/ Marggrauen zu
Burgaw/ vnd Grauen zu Tyrol zc. Vnsern freundlich vnd lieben Vettern
vnd Fürsten Committiert/ vnd aufferlegt/ ermelten Stifft/ samt desselben
Schloß/ Stätt/ Heuser/ Landt/ Leuten vnd aller zugehör/ selbst/ oder durch
seiner l. Subdelegierte ansehnliche Räch/ in Vnsern Nammen einzuneh-
men/ zühuldigen/ vnd biß auff Vnsern weittern bescheid/ bestes vleiß zumer-
waren/ vnd zubeschützen/ Inmassen jr auß bey verwarter Abschrift solcher
Vnser Kayserlichen Commission eigentlicher zusehen. Wan sich aber zu-
tragen köndien/ daß dieselbig Vnser Kayserliche Commission wegen an-
derer S. l. obligen sich etwas verweilen/ vnd so gleich nit ins werck gerichte
werden möchte/ damit dann auch auff denselben faal der Stifft sonil immer
möglich/ vor schaden vnd nachtheil gesichert sey vnd pleibe. So befehlen
Wir euch hiemit samt vñ besonders von Römischer Kayserlicher Macht/
ernstlich/ geben Euch auch hier zu vnsern vollkommenlichen gnad/ vnd wöl-

ten/Das ir hiezwischen ankunfft wolgedachtes Vnsers Vettern vnd Kay-
serlichen Commissarien, oder S. I. Subdeligierten auch bemeltes St. fffes
vnd desselben Schloß/Stett/Heuser/Lande vnd Leuth/sampt aller zu vñ ein-
gehör/ treulich annemet/ vnd das alles nach Ewer besten verstandniß
vnd vermögen/bis zu beykunfft wolermelets vnsers Kayserlichen Commis-
sarij oder S. I. delegierten Administriert, vñ Vnser stätt gegen vnrecht-
messigem gwalt schuzet vnd schirmet. Daran erstattet jr Vnsern endlichen
beuelch vnd willen denen wir mit gnaden vorder gezogen. Geben auff vn-
serm Königlichem Schloß zu Prag, den Fünfften tag Junij/ Anno 16. Im
zwey vnd Neunzigsten / Vnserer Reiche des Römischen im Eybengehenden
den/Des Hungarischen im Zwanzigsten/vnnd des Böhemischen auch im
Eybengehenden.

Rudolff.

J. Kurz v. S.

Ad mandatum Sacra. Caes.
Majest. proprium.

A. Erstenberger. ff.



Collationiere vnd mit fleiß Anseculiert ist obgeschrie-
ne Copen gegen Item Original/ so an Schrift vnd
auffgetrucktem Insigel noch gang vnuerfert/ vnd dem-
selben von wort zu wort gleichlautend/ Bezeuge Ich
Johann Cromer offenbarer Kay. Notarius zu Elsf-
Zabern mit dieser meiner aigen Handtgeschrifft.

NVME

N V M E R O VII.

Rudolff ꝛc.

Wir same lieben getrewen/ Euch würde zweiffels ohn fürkommen sein/ was massen der Allmechtig vnlangst verlossen/ zweyten dis Monats May/ weiland den Ehrwürdigen Johann Bischoffen zu Strassburg/ vnsern Fürsten vnd lieben Andichtigen/ auß diesem zeitlichen leben abgefordert hat. Weil dann euch gleicher gestalt vnuerborogen ist was etliche vnruetwige Canonici zu Strassburg/ Inhalter des Bruderhoffs daselbst vor langst für gefährliche Anschlag auff des Bistumb gemacht haben/ so sie zweiffels ohne jeko nach abgang des Ordentlichen Haupts nachmals forkusken vnderstehen wurden/ Inmassen vns dan fürkompt/ daß sie sich albereich vor diesem/ vmb Kriegsvolet beworben/ vñ danebens bey euch vmb hülf vnd zuzug angesucht haben sollen/ Wir vns aber gleichwol ab euch die gedancē mit nchten machen könden/ Das sie sich solcher Bruderhoffischen verbottener vngebüer/ vnd Thathandlungen wider des heiligen Reichs Ordnung vnd Abschid/ sollen oder werden in Ichtes theilhaftig machen. Jedannoch/ dieweil man auß bishero fürgangenem irem verhalten so viel vermerckt/ das bey Inen des muhtwillens vnd Practicierens kein Ende noch auffhörens sein will/ biß sie diesem vhraltē Strift ganz zu grunt rüsten. So habē wir obligendem Kayserlichen Amptes halbē nit sollē noch köndē vmbgehē/ Euch hiemit gnedigs Ernsts zuermarē/ mit beuelch jr wollet ermeltē Bruderhoffischen in berüerter irer vngebüer vnd fridheffigen handlungen nit allein kein beysahl thun/ sonder sie vil mehr dauon ab: vnd zu Ruhē/ auch steiffer haltung dem Strift geleisten Ahdē/ vnd pflichten anweisen/ Daran beschicht was an sich selbst billich/ vñnd den heilsamen/ friedens Constitutionibus gemēß ist. Danebens auch Vnser endlicher Will vñnd meinung ist. Datum Prag den zehenden May/ Anno ꝛc. 92.

Ane

Die Statt Strassburg.

F I N I S.

